





原件短缺

P1-P4

送邑道

見恨無

至亦既勤我懷酌酒

三四謝尹最賢家已嗟在

相逢意

送韓仲文知許州

孰不為太守所榮歸故鄉僚官說舊識邸吏窺新

章前去別馬上今仰立道傍野老拜車塵里人持

壺漿至家墳麓美謁龍雲日光盛事難盡書且舉

國門觴



不怪來送薛殿丞知達州

遠舞通川雲煙秀重疊江從巴蜀來山與岷峨
接啼鳥異方音青林四時葉使君當問俗市賣皆

紅頰

依韻朱學士廉叔憶頴川白明春色寄獻

尚書晏公且將有乞

物景有先後春工無舊新

巡湖水與濠接岸亭將去

詠苦後

弱藻曾

笛人歌

公

慮過亦希得

府連貢二州春

公移幕

集英殿賜百官

春來無點雨三月始聞雷

君公罷食

迴燕迎風翅健馬踏霧泥開

從陽透飛光上

綠槐

送陳太祝歸河陽

羸馬度關去夜向河橋歸水風來可急吹裂游子

衣到家莫久留速書赴

南大對必有蘊時哉無

闕種

送祖擇之祕丞知海州

驥有千里是不使千里馳人有抱長才亦復不得
施去去作守長政化尚可為勿云海濱陋豈無彼
黔黎事舉訟必簡安能忘酒卮水物錯在俎醜腥
應自宜胸山日相對亦莫厭其卑君舉人盡戟濃
淡若秀眉但向此中樂用捨乃樂時

戊子三月二十一日殤小女稱稱三首

生汝父母喜，汝父母傷我行豈有虧女命可不

落葉樹上花，玉絮昔與女春風不衣久吹落便歸
土嬌定命亦然蒼天不知古慈母眼中血未乾同
兩乳

高唐五寸棺埋此千歲恨至受害難斷剛性判以
鈍淚傷染衣班花惜落帶嫩天地既許生生之何
遠困

與用文師

師名學佛者何乃愛吾詩吾方嗟世人各各事奔
馳蒼鷹鳥絕海至不異攫鼠鷓所趨有遠近所向

皆饑飢漱水對無語風動庭樹枝

小女稱稱塲銘

吾小女稱稱慶曆七年十月七日生至八年三月
二十一日死嗚呼鳥獸螻蟻猶有歲時之命汝不
然也汝稟氣血為人豐然哲然其目瞭然耳鼻眉
口手足備好其喜也笑不知其樂其怒也啼不知
其悲動舌而未能言無口過
危飲乳無犯食之禁愛慈無有情之系若是則得
天真與保
之遠乎得不推之於偶然而
然而天何可必也吾將

其散而為土空其復託為人不可知也其質朽而
為土不疑矣富貴百年者不免此汝又何冤瘞
之日父母之情未能忘故書
以志其悲云銘曰

母孕而夢夢維虺虺古占女祥夫其豈然耶復占
我夢我遺我稱我名命汝平御妾媵既厲而乖胡
然乎靡應

送吳冲卿學士歸蔡州

孟夏日南歸馬耳豎迎風急雨不及避斷霓明向

東古城汝水傍化俗寄我公君今去拜慶酥酪美
將同

下土橋送刁景純忽大風韓子華先歸遺
其小方巾明日持還副以此詩

昨日汴水頭共餞東去人暴風吹黃沙對面不相
親歸來乘大馬悞擲小方巾平明馳奴還偷樣古
逼真

刁景純期水門再別以風雨不往

餞客
明朝當更來風雨尋船懶車馬向城

期江上見俗體

韓子華訪石昌言不遇石有詩韓邀和荅
嘗聞載酒者去訪子雲居乃值徒御出遂令談笑
虛為黍寧之具題鳳豈有諸一聽負荆語還想蘭
相如

舟中夜聽汴河水聲

夏雨漲黃流夜鳴隣船枕乘危冒險人不識西山

餞

逢王公慥太傅

驚馬不惜蹄出門莫畏泥泥中逢故友十載相乖

睽但怪蒼鬢色班班俯鐵驪少立不及語交策或
東函向晚我還舟君來訪長堤對論出處跡存沒
坐悲啼勿言少壯日忘意吐虹霓而今七不堪懶
又甚於嵇

寄題洪州慈濟師西軒

西軒無落暉所賴西庭竹竹間有古葉竹上有繁
綠夜雨一洗梢朝陽似晞沐焚香愛此心自不同
諸俗

送謝著作歸陳州

苗至高衢尚苦泥行

川溪他日見騰驤駕櫪此垂耳

一乃念彼名駒迤在清

和石昌言學士官舍十題

病竹

水邊移得已傷根枝葉如枯生意少主人不使荒
穢侵遂長琅玕勝凡草

石榴花

春花開盡見深紅夏葉始繁明淺綠祇知結子熟
秋霖不識來時有節竹

意苾

葉如華黍實如珠移種官庭特葱蒨但蠲病渴付
相如勿恤謗言歸馬援

石蘭

言石曾非石上生名蘭乃是蘭之類療病炎帝與
書功紉佩楚臣空有意

萱草

人心與草不相同安有樹萱憂自釋若言憂及此
能忘乃是人心為物易

葵花

草能翳之真似節旄思

蔬畦

手自除荒手自鋤葱針已插雍薤才朝芸夕灌豈
不勤比食翦苗閑且穩

水紅

江天淡淡江水平江岸有花紅作穗今日特向都
城開畫時只合銜魚翠

甘菊

世言此解制頽齡便當園蔬春競種到秋猶得泛
其英爛醉莫辭官有俸

蘭

楚澤多蘭人未辨盡以清香為比擬蕭茅杜若亦
莫分唯取芳馨襲衣美

致仕李秘監

淵明歸來桑家貧食不足當其勇去時不待秫稻
熟借問何以然實耻暫屈辱公常為近臣曾不輒
媚曲一緣府舍災遂使還秩祿祿仕四十年內乏
金鍾粟歸來託四鄰恹恹無片屋去就異前人其
義已介獨譬之食嗟來應自甘退縮當營負郭田

點江南坑冶

楚山豈無銅楚匠豈不工大鑪常乏鑄碧卮那得
充積弊在鄉縣孰肯以利籠君今奉詔行諭民當
得中苟能使之發亦莫取之窮此乃事可久山深
山自通

夜泊虹縣同施景仁太博河上納涼書事

與君愛清風移榻就明月月落見星繁星繁如畫
熱露衣輕露墜響岸崩湍齧坐思都城時誰許脚
不鞮

施景仁邀詠泗州普照王寺古檜

來尋淮上寺老檜莫知年劫火已鎔像膠枝寧改
檀根擎怪石入節駁蒼苔堅欲問浮波箭空嗟此
獨傳

送王判官同提點坑冶

地雖不受寶利在與民共務國不務民儻有安得
用孟氏美王圉其說久已誦聊此陳薄言忉怛不
能重

淮雨

雨脚射淮鳴萬鏃跳點起漚魚亂目濕帆遠遠來
未

說寺丞

遠客雖有樂莫如逢故人夜懷夷門時月照楚水
濱自居扁舟上隨處與船隣宜將至此日因使報
朋親

送崔黃臣寺丞宰臨海

補官桐廬時已飽嚴陵釣進吏六百石又得臨海
嶠因之論出處足以見風調洪潮可登觀萬里漲
川竅收縮向何歸由來人莫料憑君能賦才庶或
窮其妙

楚童

楚童能捕魚乃在水邊居手取眼不顧情知獺未
如鬚上浮萍草點點綠有餘既挈不暇理歸來莫
取渠

雜詩絕句十七首

自此寶應道中
起慶曆七年夏

蛙行動萍葉候觀作游魚稍稍引兩股已變科斗
書

青草生水中日日隨水長水落何所依撩亂為宿
莽

有蟲託斷葑斷葑日夕流不知止息處隨夫非自

入

魚網挂遠籬野船籬外

葑葑前翦熟絲雨染燕脂暈滿樹斂黃昏槿花無此

分

青青老鏡葉下有繁實尖浪頭撥船女刺手終不
嫌

岸傍草樹密往往不知名其間有啼鳥似與船相
迎

青蠅何處來聚集滿盤間誰知腹中物變化如循
環

水主賣瓜女摘瓜陂上田長麻已不識滿把青銅
錢

買魚問水客始得鯽與魴操刀欲割鱗跳怒鬣
張

沙頭風雨來帖水野雲黑如觀曹公營萬弩射船
側

前時雙鴛鴦失雌鳴不已今更作雙來還悲舊流
水

度水紅蜻蜓傍人飛款款但知隨船輕不知船去
遠

塘一棹船人塘泥深及脛落日望前村心將道途
競

燕立茅屋脊燕銜芹岸泥巢成同養子薄暮亦同
棲

鵲銜高樹蟬危脇線車響露腹不曾肥殺之嗟已
往

河畔有釣翁團泥爲甕缶坐想秦人聲思傾杜陵
酒

宛陵先生文集卷第三十二

臨川先生文集目錄卷第三十三

夢尹師魯

過高郵三溝

過茱萸堰

詠來叔文石硯屏

來叔進道堂夜話

贈劉謀閣副

長蘆江口

金陵懷古

江畔

慈姥石崖上竹鞭

阻風

慈姥磯下

早發

望夫石

過褐山磯值風

褐山磯上港中泊

宿磯上港

謁昭亭廟

昭亭潭上別

宣州環波亭

昭亭山

泊姑蘇江口邀景純

牧牛隔江吹笛

和永中秋邀許發運

與夏張游大明寺

寄麥門冬符公院

送張唐民

秋夜同永叔看月

答永叔不見月

和永叔中秋夜會

觀永叔集古錄

觀舞

留別永叔

觀永叔畫真

畫真來嵩

別後寄永叔

立揚州北門

因目痛有作

宿邵埭呈永叔

寄許主客

迴過三溝

牛背雙鸚鵡

永叔贈石硯屏

岸貧

村豪

晚雲

苻

晚日

寄酬許發運

前日

淮陰

哀王孫

沛公歌

目錄終

宛陵先生文集卷第三十三

五月二十夜夢尹師魯

昨夕夢師魯相對如平生及覺語未終恨恨傷我
情去年聞子喪旅寄誰能迎家貧兒女幼迢遞洛
陽城何當置之歸西望淚綠纓

五月二十四日過高郵三溝

甲申七月七未明至三溝先妻南陽君奄化向行
舟魂去寂無跡追之固無由此苦極天地心矜腸
如抽泣盡淚不續岸草風颼颼樹殭尚疑生大呼
聲裂喉柁師爲我歎挽卒爲我愁戊子夏再過感

昔涕交流恐傷新人心
強制指雙眸未及歸旅櫬
悲恨何時休

過茱萸堰

茱萸堰在吳牛死茱萸堰廢吳牛閑吳牛閑東南
百貨真來如山

詠歐陽永叔文石硯屏二首

號州紫石如紫泥中有瑩白象明月黑文天畫不
可窮桂樹婆娑生意發其形方廣盈尺間造化施
工常不沒號州得之自山窟持作名卿硯傍物
學之侵古雲破石見寒分明秋月影向北石上

布中又隱孤壁紫錦繡山祇與地靈暗巧不
欲露乃值人所獲幾為文室具獨立筆硯間莫使
浮埃度

永叔進道堂夜話

海風驅雲來池雨打荷急虛雨西窗晚坐涼氣
入與公話平生事不一毫及初探易之奧大衍遺
五十乾坤露根源君臣排角立言史書星瑞亂止
由不戢巨惡參大美微顯豈相集陳疏見公忠曾
無與明執文章包元氣天地得嘘吸明吞日月光
峭古崖壁滋淵論發賢聖暗潛聞鬼泣夜闌索酒

危使意頻舉，抱未竟天已白。左右如啓蟄。

贈劉謀閣劇

聲名赫赫在窮塞，有字堂堂真丈夫。腰劍臂弓輕
赴敵，無人不伏魏黃頭。

長蘆江口

風駕晚潮急，浪頭相趁過。水歸瓜步小，舡下秣陵
多。鷗舞不停翅，鷺飛輕帖波。今來學楚客，薄暮愛
漁歌。

金陵懷古

秦皇莫恃棧閣吳，莫恃漸江不能恃。以德一國竟亦

邇來屢興廢，由險輕萬邦。誰知荒涼城空存，如劄
腔。我今經其下，弔古語愧咤嗟哉。石頭潮助怒，常
春撞。

江畔

江畔菱蒲碧無主，吳牛夜駛江干歸。舟人不悟月
已上，花脚野蚊撩亂飛。

慈姥山石崖上竹鞭

江水浸石壁，峭直無鳥蹤。宛垂青竹根，瘦虵愁作
龍。霹靂雨脚入濕點，莓苔封世人不得用。八馬今
乖慵。

阻風

老魚吹浪不肯休一夜南風打籬響灘下輕舟未
可行山脚盤渦似車輞

慈姥磯下

蘆汀泱泱外露斂見孤嶂行舟每出觀漸近已殊
狀傍來認飲牛正去忽側盞水壑陰若春野鳥時
與相且待風色迴出口始浩蕩

早發

吳雞鳴隔山江月半在水齧齧出岸潮雪雪入蒲
葦解紵泛明鏡接天知幾里我家人不遙正住句

沙尾

望夫石

征骨化爲塵柔肌化爲石高山共蒼蒼臨水望脉
脉青雲卷爲髮缺月低照額千古遺恨深終不見
車軌

過褐山磯值風

山口風偏急磯頭水似煎喧聲殊倦聽逆上正難
牽暗石誰愁礙長途未擬前江心看白浪卷起大
於舩

褐山磯上港中泊

風惡舟難進聊依浦裏村岸潮生菱節灘浪聚蘆
根日脚看看雨江心漸漸昏篙師知蟹窟取以助
清樽

宿磯上港

夜深風浪息月正在南斗遠水生白煙踈螢出荒
莽照解屢藝新張魚未發筍獨能憐野客游宦
意何有

謁昭亭廟

連峯到溪止澄溜向潭瀉廟道走山腰雀雛鳴屋
瓦古壁畫雲雷空庭儼興馬眷子來故鄉絜齋陳
奠竝尚想昔非童維愚託民社每從諸父賽却至
此祠下今齒踰不惑雙親世似與此無所禱曷
莫逢時者

昭亭潭上別

行舟晚解去親戚各還家淚落正濕衣腸翻如轉
車借是昭亭水相隨亦有涯予今游宦意曾不學
匏瓜

宣州環波亭

冒暑駐輪轂徘徊北壕上棟宇起中央芙蓉生四
向今吾太守樂慰此郡人望雨從昭亭來水入句

風惡舟難進聊依浦裏村岸潮生莖節灘浪聚蘆
根日脚看看雨江心漸漸昏篙師知蟹窟取以助
清樽

宿磯上港

夜深風浪息月正在南斗遠水生白煙踈螢出荒
莽照解屢爇薪張魚未發筍獨能憐野客游宦
意何有

謁昭亭廟

連峯到溪止澄溜向潭瀉廟道走山腰雀雛鳴屋
瓦古壁畫雲雷空庭儼興馬眷予來故鄉絜齋陳

奠章尚想昔非童維愚託民社每從諸父賽却至
此祠下今齒踰不惑雙親世世無所禱曷
慕逢時者

昭亭潭上別

行舟晚解去親戚各還家淚落正濕衣腸翻如轉
車借是昭亭水相隨亦有涯予今游宦意曾不學
匏瓜

宣州環波亭

冒暑駐輪轂徘徊北壕上棟宇起中央芙蓉生四
向今吾太守樂慰此郡人望雨從昭亭來水入句

溪漲蜻蜓立欄角朱鯉吹荷浪岸木影下布水鳥
時引吭心閑不競物興適每傾釀薄暮詠醉歸陪
車知幾兩

昭亭山

曰山何必高要在出雲雨昭亭非峻峯雄雄若蹲
虎旱歲一來祠霈然隨瀝醑有草牧爾牛有薪資
爾斧有溪出其陰有潭在其塢獸則獶與貉魚則
魴與鱖山雛水羽聲下上相雜伍呼名如謙恭號
叫若怒侮崖竹或節踈嶺松或腹腐巨蜂結層房
養子窟深土何事山中人采以爲市賣其容固已

多其忍吾未取

泊姑熟江口邀刁景純相見

時陳州晏相公辟

尾生信女子抱柱死不疑吾與丞相約安得不顧
期徘徊大江側念此親相知欲留時已晚欲去情
難持引領望軒車豈能慰我思願聞下士禮無曰
屈非宜

見牧牛人隔江吹笛

朝與牛出牧晝與牛在野日暮穿林歸長笛初在
髻面尾騎且吹音響未成雅隨風散遠近舉調任
高下我方江上來平溜若鏡瀉悠悠經醉耳亦足

發蕭洒苟能 and 人心豈必奏韶夏鄭聲實具美好
情如剔副況其荒敗跡亦又甚裂瓦南箕成簸揚
寺孟詵修哆我今留此詩誰謂馬喻馬

依韻和歐陽永叔中秋邀許發運

看取主人無俗調風前喜御夾衣涼競邀三五最
圓魄知比尋常特地光艷曲旋教應可聽秋花雖
種未能香曾非惡少休防准衆寡而今不易當

詩云仍約多爲詩准
備共防梅老敵難當

與夏侯繹張唐民游蜀岡大明寺

秋葉已多蠹古原看更荒廢城無馬入破冢有狐

藏寒日稍清迥群山分澹蒼田衣指白水此下是

雷塘

寄麥門文於符公院

佳人種碧草所愛凌風霜佳人昔已歿草色尚蒼
蒼若陸行載以車水行載以航于今五六年與我道
路長思人不忍弃期植寒冢傍我嗟復北去安得
畢此喪留植精舍中遠挈防根傷他時京峴下不
比野蒿黃

送張唐民

楚甸有行客西風一孤舟遠隨淮月上若與星槎

浮野岸襲幽芳氣清露已秋得意美魚蟹白酒
問沙頭

秋夜同永叔看月

青天有右目昏明不常開常時翳雲氣古鑑生莓
苔秋夜特清徹乃顧漸西迴靈兔不擣藥是夜無
纖埃與君玩流景置酒臨層臺單衣濕白露鳴鴈
方南來以言歡未終鴈聲一何哀

中秋不見月答永叔

天嫌物兼美而使密雲藏已向石屏見河湏照席
光

和永叔中秋夜會不見月酬玉舍人

主人待月敞南樓淮雨西來斗變秋自有嬋娟侍
賓榻不須迢遞望刀頭池魚暗聽歌聲躍蓮的明
傳酒今優更愛西垣舊詞客共將詩興壓曹劉

觀永叔集古錄

古碑手集一千卷河北關西得最多莫怕他時費
人力他時自有錦蒙駝

觀舞 坐上作

誰憐嬌小好腰支老大而今莫那伊太守風流未
應淺更教多唱楚人辭

留別永叔

舊友競留連我征時已晚但言會合難豈道行路
遠行路到有期別離未即返明當各相思念此去
且懶

觀永叔畫真

良金美玉不可畫可畫唯應色與形除却堅明畫
非實世人何得重丹青

畫真來嵩

廣陵太守歐陽公今爾畫我憔悴容便傳髮鬢在
縑素尸欠勁直藏心曾與我貨布不肯受此之隱

下曾非庸公今許爾此一節爾只丹青其亦逢

別後寄永叔

前日辭親淚又爲別友出愁極友無言欲言詞已
空荷公知我詩數數形美述茲道日未堙可與古
爲匹孟盧張賈流其言不相昵或多窮苦語或特
事豪逸而於韓公門取之不一律乃欲存此心
欲使名譽溢竊比於老郊深愧言過實然於世道
中固且異謗嫉交情有若此始可論膠漆

登揚州北門

樓上山如淡墨畫城中水似輕藍接揚州今似刀

州景似聽中和樂職歌

因目痛有作

已爲貧子孟郊拚作瞎張籍詩句但口吟世事不眼
歷既能分好惡難用變青白讀書聽吾兒且未廢
朝夕

宿邵埭聞雨因買藕笑人迴呈永叔

秋雨鴈來急夜舟人未眠亂風燈不定暝色樹相
連寒屋猛添響濕窻愁打穿明朝持藕使書此寄
公前

寄許主客

昨日山光寺前雨今朝邵作堰頭風野雲不散低
侵水魚艇無依尚蓋蓬藕味初能消酒渴蓼芳猶
愛照波紅楊州有使急迴去敢此寄聲非塞鴻

八月二十二日迴過三溝

不見沙上雙飛鳥莫取波中比目魚重過三溝特
惆悵西風滿眼是秋蕖

牛背雙鸚鵡

牛背雙鸚鵡煙波共入時草枯行解美日晚趁群
遲閑戴寧辭遠相鳴不聞雌初驚牧人去飛上野
桑枝

廣陵歐陽永叔贈寒林石硯屏

磷磷石屏上濃淡樹林分隔水見寒島暗枝藏宿
雲賢哉吾益支持以贈離羣琥珀不須問中心多
化蚊

岸貧

無能事耕穫亦不有雞豚燒蚌燠槎沫織蓑依樹
根野蘆編作室青蔓與爲門稚子將荷葉還充犢
臯視

村豪

日擊收田鼓時稱大有年爛傾新釀酒飽載下江

船女髻銀釵滿童袍毳氎鮮里胥休借問不信有
官權

晚雲

黝黝日脚雲斷續如破灘忽舒金翠尾始識秦女
鸞又改爲連牛綴燧懷齊單伺黑密不置額額城
未剗風吹了無物猶立船頭看

荇

荇葉光於水鉤牽入遠汀淺黃雙蛺蝶五色小蜻
蜓老死懷江女飄浮笑楚萍西風莫苦急孤蘂有
餘馨

晚日

晚日晴還暖人閑見物機葉枯蟲自畏窻響密尋
歸林下見收柿水邊聞擣衣吾嗟久爲客却愧寄
荆扉

寄酬發運許主客

淮上秋來物意閑又乘輕舸信帆還一浮一沒水
中鳥更遠更昏天外山斜幅纏躄兵吏至濃金酒
紙領珠頰欲酬已覺不能敵盡日臨風思自慳

前日

前日揚州去酒熟美蟹蚶秋風淮陰來沙暖拾蚌

螭不言爾貧富口繫其鄙夷漢重二千石後世何
忽之

淮陰

青環瘦鐵纜繫在淮陰城水脰多長短林枝有直
橫小首髮一足走妖鳥九頭鳴韓信祠堂古誰將跨
下平

哀王孫

泗水赤龍將欲飛瘦蛟在泥雲未歸冰壘煮灰寒
水擊長大王孫抱飢色誰知適自下鄉來日具可
哀猶未食菰飯白漿持與君王孫王孫何復云

沛公歌

赤帝醉提龍劍行徑草没人壯士驚白蛇斷裂不
可續神嫗哀哀夜深哭酒醒自負氣生虹從者日
畏天下雄秦皇玉輿來向東安知隱在芒碭中婦
人自識雲氣從王命艱哉豐沛公

宛陵先生文集卷第三十三

宛陵先生文集目錄卷第三十四

使風

田家屋上壺

夢後寄裴如晦

昭信淮上

小村

難知

九山

淮岸

原有禽

浮來山

泊下黃溪

濠梁感懷

渦口

夢諸公餞仲文

過塗荆山

舟上采菊

朝暮

荆山

塗山

曉日

雞聲

采杞

泊樞澗觀渡

看山寄中道

暮雨

細雨樵行

晨鴉

會稽婦

九日次壽州

泊壽春龍潭

穎上得鯉為膾

丘家渡早發

水次蘇花

夜行憶山中

村醪

川上田家

發勻陵

聞鴈

牽船人

田人夜歸

言張甥不捷鄉薦

聞櫓

晚鷗

新晴

項城阻風

斫膾懷永叔

夜漁

驚鳧

相公後園四題

和許主客夜會

和相國屋上菊叢

寒菜

送裴節推歸京

十月菊上蜂

送江學士睦倅

和民樂

和晚花

聞進士販茶

昆崑至和
二年五月後

梅雨

烏豎燕巢

五月十三日大水

目錄終

宛陵先生文集卷第三十四

使風

跨下橋南逆水風十幅蒲帆纒若弓
淮波帶日魚鱗紅
岌岌飛上北斗中
龜山始撞人定鍾
岸草澁澁鳴秋蟲

田家屋上壺

脩蔓屋頭綴大壺
簷外垂霜乾葉猶苦
風斷根未移
收挂煙突近
開充酒具遲
賤生無所用
會有千金時

九月二日夢後寄裴如晦

裴生安健否試問鴈經過
處士賦營爲將軍養路
馳食魚今飽未索米奈貧
何昨夜分明夢持書認
篆窠

昭信淮上

清淮渺然去白浪勢如奔
同發已先遠獨行將向
昏洲長寧辨路夜泊偶依
村燈火稍覺亂應聞人
語喧

小村

淮闊州多忽有村棘籬踈
敗謾爲門寒雞得食自
呼伴老叟無衣猶抱孫野
艇鳥翹唯斷纜枯桑水

鬻只危根嗟哉生計一如此
謬入王民版籍論

難知

自古難知不遇人朝爲蛇
鼠暮龍麟魏齊交溺箕
中死亭長妻輕跨下貧白
石夜歌誰與進黃金懷
印自能伸丈夫只患無才
業何恨區區逐路塵

九山

我經九山問野叟崔嵬一
無安曰九且恐斷岸積
瓊玖復意陂原多產韭又
疑堆壠若柱灸四者未
悟叟不言使我臨流獨搔
首

淮岸

秋水刷土骨峭瘦如老石虛沙歸島嶼寒浪漱竅
隙下過白魚尾上有蒼獺跡平崗自相連野籜鳴
風櫟

原有禽倏鳴升遠默下

小禽不盈握羽翻自輕捷裊裊上雲鳴聲窮如墮
葉雀懷啄粟娛鷄有棲蒿愜嗟嗟力甚微枉與鷹
鷂接

浮來山

舊說此山
產雲母

秦鬼驅卯沙聚結無蒼翠誰云海上移能與潮浮
至洞噓蛟鼉腥廟畫風雷異雲母今有無庶爲仙

藥餌

泊下黃溪

黃溪晚來泊得見田家微刺艇斜陽下耕洲載耒
歸牛鳴向窄犢大喜入人衣復有返樵者檐枯翅
雉肥

濠梁感懷

天子昔封禪吾叔從金輿迴首泰山下出建雙隼
旗來尋觀魚臺遂遠承明廡當時十五詠螢照墨
石書

渦口

秋水見灘底淺沙交浪痕白魚跳處急宿鴈下時
昏帶月入渦尾落帆防石根清淮行未盡明日又
前村

夢同諸公錢仲文夢中坐上作

已許郊間陳祖席少停車馬莫催行劉郎休恨三
千里樽酒十分聽我傾

過塗荆二山遇暗石

淮流兩山間勢束秋漲急聚石如伏兵斂斂波下
立輕舟不可防而况昧所習暗值施已毀後者戒
前及同發去漸遙更愁寒灘澁

舟上采菊

泯泯平慢流行當季秋月演漾過汀洲汀洲芳杜
歇白露夜正霏黃菊寒更發采以泛酒卮不獨映
華髮

朝暮

氣候輒未定寒暄朝暮間挾纒水風生衣綌川陽
還綠草藏遠岸枯櫟植高山且非天時異順理心
自閑

荆山

和楚人茲楚地泣玉山無所記但見楚人誇產玉

古廟幽幽無鬼哭儻有鬼定無足

塗山

古傳神禹迹今向舊山阿莫問辛壬娶從來甲子
多夜淮低激射朝江上嵯峨荒廟立泥骨出頭風
雨過

曉日

出舟曉日升曠曠波上爛爛黃金鎔幕幕紫煙生
鏡中釣舡似畫分橫縱風莫從虎雲從龍變作霏
霞重複重

雞聲

雞聲踏曉呼呼起扶桑烏兔光如車輪碾雲蹤跡
無誰教夸父逐遠向鄧林趨復從海底轉循環似
輓轡

采杞

誰謂岸無杞條其長矣誰謂杞無實爛其皇矣撥
彼征矣檐旣盈矣捨棘與蠹造此宜酒維此宜酒
我挹我注我飲我助以養我顛

泊檝澗觀渡

隔岸呼舟楫臨河立馬牛解鞍沙上憇沉網渚間
收殘日銜沙尾孤帆落成頭莫愁暄作雨晚水白

煙浮

看山寄宋中道

前山不礙遠，斷處吐尖碧。研青點無光，淡墨近有跡。前林橫白雲，復與後嶺隔。孤舟川上人，引望不知安。得老畫師寫，寄幽懷客。

暮雨

水上魚吹白露，山頭雲與龍。附潭中水作潭，中雨朱鷺飛過吳洲去。鯉魚相隨不知處，老蛤銜泥在深處。

細雨樵行

蛟人困卧寒潭底，帖波濛濛垂白綃。波上女兒飛輕撓，逆流自與郎去樵。風吹鬢髮不及撩，鴉翅卷起萬重尾。翹濃纈羅帶，長統腰日暮下來吹短簫。

晨鴉

雲昏月黑鴉不知，鼓聲鼔鼔鷄報啼。睥睨未辨夫東西，癡雛噪舞群翅低。野桑葉卷風淒淒，濃霧不起寒雨迷。晨鴉却歸巢上棲。

會稽婦

食藕莫問濁水泥，嫁婿莫問寒家兒。寒兒鰥寡無脂驥子縱瘦骨，骼奇賈臣貧賤妻。生離行歌負

薪何媿之高車來駕建朱旗銅牙文弩擐犀皮官
迎吏走馬萬蹄江潮晝起橫白霓舊妻呼載後乘
歸悔淚夜落無聲啼吳酒雖美吳魚肥僕今藜養
慙猪雞園中高樹多曲枝一日挂與桑蟲齊

九日次壽州

昔人把菊望青楹今我持酒無黃花自催屋裏紅
鱗膾不彈墻頭白項鴉壽春城高枕淮水綠蒲疎
踈暮帆起登臨不學孟參軍帽墜山嵐費嘲紙

泊壽春龍潭上夜半黑風破一舟

盲風吼空來不識前山遮迴激入灣口暗浪騰水

涯聞破我船沉沒驚一家晦昧若塗漆心緒如
亂麻燈先不出戶鬼火空照沙百物任漂蕩薄命
誰怨嗟但存此空舟坐類鳥寄槎妻孥皆失色一
夕鬢欲華詹惶俟天明頃刻抵歲遐兩寒雞唱遲
况乃城上鴉

穎上得鯉魚為膾懷餘姚請師厚

青菘潭上老賴尾網中魚買作秋盤膾還思遠客
書越蠶橙熟久楚飯稻春初雖去故鄉遠不嫌為
饌踈

丘家渡早發

曲穎若秋蛇屈盤鱗甲活問成得耕人拾魚逢祭
獺草窠殘野燒樹挂經流沫百里相對看頻行媿
迂闊

水次鮮花

秋雨日霏霏碧花生疊疊水邊有神女粧去遺翠
鬢岸側小家婦不知所宜愜未得去還人自將渾
面帖

夜行憶山中

青熒鬼火動不悟前山雨昏徑巢鳥鳴獨行毛髮
聚楠葉枯綴林風動疑有虎低迷薄雲開心薄淡

月吐

村醪

雨濕破荆籬風搖樹亞旗小槽聲不急挈榼問沽
遲摘果野棠孰望入舩大隨燈前相對飲還似昔
過時

川上田家

斜光隔河明入照桑柘下臯壠生麥苗青青尚堪
把遠見牛羊歸相親童稚野醉歌秋草間頗與世
家寡

發勻陵


秋雨密無迹濛濛在一川孤村望漸遠去鳥飛已
先向晚雲漏日微先人倚船安知偶自適落岸逢
沙泉

聞鴈

濕雲夜不散薄處微有星孤鴈去何急一聲愁更
聽心應失舊侶翅已高青冥幾日江海上鳧鷖共
湍汀

牽船人

沙洲折脚鴈疑人鋪翅行奈何暮雨來復值寒風
生濕毛染泥滓縮頸無鳴聲爾輩正若此猶勝被



九月二十八日牡丹

香色已向青春發又見秋深特地開
應笑菊殘無意思不能邀賦洛陽才

殘菊

零落黃金蕊雖枯不改香
深叢隱孤秀猶得奉清觴

三日讌集

蕭然寒圃有殘芳吟徧朱欄向夕陽
旣許坐陪公袞貴却慙蒿羽接鸞凰

依韻許主客北樓夜會

卷三十四
十一月
一月能逢幾笑歡高樓紅蠟滴金盤吟餘隴首雲
初散唱盡陽關露已寒不管星河漸西落自將煙
水去程寬當時坐客各南北誰憶重遊泛木蘭

謹和相國屋上菊叢

屋上有叢菊結根深瓦縫既無地勢美又乏三刀
權乃因塗明生不由人所種亦能應節開焉取入
公用公來步廣庭聞鴈自始縱忽見粲然英降植
合常從賓僚席其傍詠玩意已重物莫厭僻遠會
遇良可頌

寒菜

畦蔬收莫晚圃吏已能供根脆土將凍葉萎霜漸
濃不應虛已筋還得間庖羹食旨蓄詩人詠從來用
禦冬

送裴節推歸京

遠水未生凍輕舟歸大梁岸迴初向月篙滑始霑
霜清世豈淹俊上公存薦章行應重對策莫愧漢
賢良

十月菊上蜂

黃蜂得晴日不道菊開稀向蕊晚寒起落叢無力
飛輕輕難自舉怙怙一何微莫問巢房處斜陽奈

欲歸

送江學士睦州通判

涉淮淮水淺沂溪溪水邊君到桐廬日正值采茶
時試問嚴陵跡今復有誰知

和民樂

歲晚場功畢野老相經過有酒自斟酌適意同笑
歌大兒緝牛衣小兒護雞窠困廩見餘積息成靡
負戈林間落熟果屋裏鳴寒梭會待朔雪時狐兔
生且羅飲鮮持作腊贈之不言他是非了莫問此
理當何如

和晚花

春花莫厭早秋草莫厭遲各不相羨慕榮枯乃繫
時芙蓉東籬英雖晚亦自宜霜前給給開霜後差
差萎深處有孤夢寒月尚見披野蜂徒愛香凍翼
不能支抱枝無力去憫然見恩私

聞進士販茶

自此宣州至和
二年五月後

山園茶盛四五月江南竊販如豺狼頑凶少壯冒
嶺險夜行作隊如刀槍浮浪書生亦貪利吏胥經
箱爲盜囊津頭吏卒雖捕獲官司直惜儒衣裳却
來城中談孔子孟言語便欲非堯湯三日夏雨刺昏

墊五日炎熱譏早傷百端得錢事酒肉屋裏餓婦
無糗糧一身溝壑乃自取將相賢科何爾當

梅雨

三日雨不止蚯蚓上我堂濕菌生枯籬潤氣醜素
裳東池蝦蟆兒無限相跳梁野草侵花圃忽與欄
干長門前無車馬苔色何蒼蒼屋後昭亭山又被
雲蔽藏四向不可往靜坐唯一牀寂然忘外慮微
誦黃庭章妻子笑我閑曷不自舉觴已勝伯倫婦
一醉猶在傍

烏毀燕巢

堂間兩胡燕哺雛銜百蟲老鴉亦養子偷雛燕巢
中燕巢忽墮地六七皆命窮赤身無羽翼腸斷彼
雌來往徒鳴聲安得置室宮我閔樓簔數俄已
彊雨風從今更生卯不若受女娥

五月十三日大水

誰知山中水忽向舍外流誰知門前路已通溪中
舟窮蛇上竹枝聚蚓登階陬我家地勢高四顧如
湖澆浮萍穿籬眼斷葑封過屋頭官吏救市橋停車
當市樓應念此中居望不辯馬牛危湍瀉天河
漫漫無汀洲群蛙正得時日夜鳴不休戢戢後池

魚隨波去難留揚鬢雖自在江上多網鉤紛紜
閭里兒踊躍覓學泅吾慕孔宣父有意乘桴浮

宛陵先生文集卷第三十四

宛陵先生文集目錄卷第三十五

和吳興五題

和行之芭蕉

促織

吳仲庶邀和六篇

和荅宣城張主簿

送寺丞

辨疑贈嚴甫

盜儒

宣城郭宰遺林檎

自和

送王奉職之彭澤

寄潘歙州伯恭

再寄潘歙州

和永叔荅原甫

依韻酬永叔

依韻酬永叔再示

池州蕭相樓

雜興

夢後寄永林

送王著作赴壽安

次谷了素上人

送黃通判入浙

烏啄棗

真上人因送傷足

和酬潘歙州

潘歙寄紙并硯

始見白髭

送了素游廬山

目錄終

宛陵先生文集卷第三十五

依韻和正仲賦楊兵部吳興五題

雨過見虹明長橋欲映城
忽聞晴氣入空際
晝涼生有窮徒看盡無冰
自覺清人知太守姓不減漢
公名

清風樓

在昔有佳句故人如遠來
競生吳客柁不上楚王
臺稍拂清樽動時吹翠帟
開長安在何處水鳥望
中廻

明月樓

雲雲前溪白蒼蒼後嶺巍人疑槎上客星合蚌中
暉影轉闌干迥盃行漏鼓稀只知誇粉黛不向桂
邊歸

碧瀾堂

虛雲臨滉漾橋勢對隆穹環珮佳人去汀洲翠帶
空橘船過砌下蘭棟起雲中欲問芳菲地吳王一
廢宮

逍遙堂

江東有賢守好客似春申自構杏梁地不生珠履
塵樂章思季子後俊得吳均寢卧在其下知君學

至人

依韻和行之都官芭蕉詩

看取有心常不展亦知隨分坼佳葩無端大葉映
蓮幕却笑菖蒲罕見花

促織

札札草間鳴促促機上聲織女夜中起明河簷外
橫一絲不入杼踈密工未精豈知天孫巧衣脫六
銖輕人間唯貴重暗蟲休催成

吳仲庶殿院寄示與呂冲之馬仲涂唱和詩
六篇邀予次韻焉

次韻被命出城共汎

三驄忽出乘楚艘直氣突兀如吳濤大都智勇皆
世豪橫身破浪親戰舫迴舫受箭誰畏曹猛士心
伏寒生毛風聲鶴唳傳九臯何用寶刀稱孟勞右
持酒盃左持螯功成各慕前人高不言大享烹太
牢下與尺鷃翔於蒿

依韻游陳留禪寺後池

共逢香刹住萬景筆頭堆池水蛟龍盡汀洲鴈鵠
來遠游情莫落去國意徘徊舟子休敲鼓王程不
爾催

次韻晚泊睢陽

日下繡衣客江南燕尾艫跡雖同鷁退心不假犀
涼舊國旌旄去包原苑囿荒臨堤一懷古柳上見
微陽

汴渠

我實山野人不識經濟宜聞歌汴渠勞謾綴汴渠
詩汴水源本清隨分黃河枝濁流方已盛清派不
可推天王居大梁龍舉雲必隨設無通舟航百貨
當陸馳人肩牛騾驢定應無完皮苟欲東南蘇要
省聚斂為兵衛詎能削乃須雄京師今來雖太平

盡罷未是時願循祖宗規勿益群息之譬竭兩川
賦豈由此水施縱有三峽下率皆靡隳冗資慎莫充
汴渠非渠取膏脂

次韻臨淮感事

楚舸高帆未可開滿帆風暴作陰雷聖文豐豐傷
漂溺世路紛紛自往來浮磬猶聞傳激越沉妖不
見鎖淵回連陂鼃鼃鳴無數安得周官爲洒灰

次韻夜過新開湖憶二御共泛

出舟湖渺渺月白絕纖氛已見水如鑑莫生波上
雲獨征何慕侶冷酌不知醺露下清吟久同心本

愛君

荅宣城張主簿遺鴉山茶次其韻

昔觀唐人詩茶詠鴉山嘉鴉銜茶子生遂同山名
鴉重以初槍旗采之芽烟霞江南雖盛產處處無
此茶纖嫩如雀舌煎烹比露芽競收青蒨焙不重
瀝酒紗顧渚亦頗近蒙頂來以邀雙井鷹掇爪建
溪春剝葩日鑄弄香美天目猶稻麻吳人與越人
各各相鬪夸傳買費金帛愛貪無夷華甘苦不一
致精麤還有差至珍非貴多爲贈勿言此如何煩
懸僚忽遺及我家雪貯雙砂罌詩琢無玉瑕文字

搜怪奇難於抱長蛇明珠滿紙上刺畜不爲奢玩
久手生胝窺久眼生花嘗聞茗消肉應亦可破瘕
飲啜氣覺清賞重歎復嗟歎既不足吟誦又豈
加我今實強爲君莫笑我耶

送寧國軍宰崔寺丞移臨安

六月畏嶺險乃陟川程迂遙看雲中鷹不亂江上
鳧魚網離飛鴻我邑望何殊鱗方懷其剖烏反值
以剗爲言等王民豈限楚與吳是維見戀慕作詩
贈路隅

辯疑贈獻甫

一客逢吠狗無莖制狗狂一客叱狗吠一客言狗
良良狗豈妄吠好言已莫詳言乃仁之趨叱乃義
所當趨仁不顧義非是助狗猖吾今不疑仁仁義
嗟何妨

盜儒

其衣乃儒服其說乃墨夷天生物一本今尔二本
爲爾忍不葬親委以飽狐狸吾心則孟子不聽爾
矢辭

宣城宰郭仲文遺林檎

右軍好佳果墨帖求林檎君今忽持贈知有逸

少心密枝傳應遠朱顏映已深不愁炎暑劇幸
同玉漿斟

自和

陶公種五柳華氏戲五禽達性與養生共得古人
心佳果能御暑致之意何深河朔存故事助飲莫
憚斟

送王克憲奉職之彭澤

折柳贈子行况聞彭澤去將過五株下可與青青
助渭城人唱罷羌管愁吹處江上定多閑踈陰就
箕踞

寄潘歙州伯恭

我貧性愛酒有酒無錢沽新安走牙兵六月至我
廬手中持尺題肩上擔瓦壺高山度青天救此愁
腸枯開之聊傾樽渴肺如澆酥醉來欲學李白騎
鯨魚又思阮籍跨蹇驢上溪無徒鱗下嶺無壯駒
憶君南望空長吁

再寄歙州潘伯恭

青山截天去古路蔽雲中不有行人至安知與郡
通高樓雖窈窕遠樹已溟濛今日勞君問衡門一
老翁

依韻和永叔澄心堂紙答劉原甫

退之昔負天下才掃掩衆說猶除埃張籍盧同闕
新怪最稱東野爲竒瑰當時辭人固不少漫費紙
扎磨松煤歐陽今與韓相似海水浩浩山鬼鬼石
君蘇君比盧籍以我擬郊嗟困摧公之此心實扶
助更後有力誰論哉禁林晚入接俊彥一出古紙
還相哀曼卿子美人不識昔嘗吟唱同樽罌因之
作詩答原甫文字駛穩如刀裁怪其有紙不寄我
如此出語亦善談往年公贈兩大軸于今愛惜不
輒開是時有詩述本末值公再入居蘭臺崇文庫

書作總目未暇綴韻酬草萊前者京師競分買罄
竭舊府歸鄒枚自慙把筆粗成字安可遠與鍾王
陪文高墨妙公第一宜用此紙傳將來

依韻酬永叔示予銀杏

去年我何有鴨脚贈遠人人將此鷩毛貴多不貴
珍雖少未爲貴亦以知我貧至交不變舊佳果幸
及新窮坑我易滿分餉猶奉親計料失廣大瓊屑
且沉淪何用報珠玉千里來慇懃

依韻酬永叔再示

前歲守廩京城西有如勾踐巢會稽引盃嘗膽未

雪耻怒蛙起揖當涖蹄海天白日蔽光影霹靂一
過收雲霓九臯澄明鶴翅濕欲暮刷羽聲嘶客
來東方美鬚鬣夜光出袖行無迷授子照眼已希
世自顧臭韝猶萍蓬文章製作比善塑物象變怪
一以泥泥雖各用有巧拙巧之高絕非由梯又聞
東夷蹈水底騎頸直踞通天犀曼卿子美樓入室
似使二嫂治朕棲舜歸在床不可得此實素分非
能齊而今我獨向田里秋稼已熟烹黃雞自傾白
酒坐溪上誰念往日無梁縹隣邦或有寄嘉釀瓦
罌土缶盛玻璃昨喜得書書滿紙官尊職大憐我
終當去問綿上叟自與野老月下犁

池州蕭相樓

復所建

樓中九華峯天削水蒼玉公主何參差來雲自聯
續我思唐蕭家八人居宰錄瑀嵩華復朱欄幾廢
興下視寒江曲吳侯來爲邦百事無窘束新之以
登臨風月詠玩足安得黃鵠翼一舉遺世俗

雜興

苦棟樹青鶉鴣啄鹽土鳴鳴老鴉啣茶子爭噪
落嶺隅不覺茶滿山漁利入江湖鹽由鶉鴣起茶
由老鴉趨誘以觸禁網二鳥誰與誅
東家月吐明西家犬爭吠王兔在中天曾何競窺
穢姮娥雖夜行莫比淫奔廢啾啾籬下音胡不鈴
其喙

夢後寄歐陽永叔

不趁常參久安眠向舊溪五更千里夢殘月一城
雞適往言猶是浮生理可齊山王今已貴肯聽竹
禽啼

送王著作赴西京壽安

翔向

去作西畿今當趨大尹庭閑尋前代跡淨掃古槐
廳未慣餐周粟還應憶楚萍但逢花木處知我昔
常經

吞了素上人用其韻

予心每淡泊世路多變詐梟鳴與鵬怪何用思彈
射空山雖夜行猛虎終不怕功名未逢時壯士且
出跨七尺無競軀市人應亦訝有香知害身扶臍
見窮麝一朝珠出淵百金未酬價爾尋遠公去挈
鉢廬峯下我趨仁義急不解如陶謝

送通判黃國博入浙

西風半空鳴且嚎吳天點破吳鴻高東溪車馬走
送客白露衰蘭輕若毛客當西歸乃東去爲何欲
及八月十五夜觀洪濤洗蕩生前邑邑不平氣付
與滄海之水隨滔滔却來廣陵願相見拍手大笑
傾新醪一飲一石無一錢莫管寒近脫弊袍脫袍
淮酒不惜醉天意未必凍我曹

烏啄棗

樹頭陽烏飢啄棗破紅透地青蠅老青蠅雨濕驚
不飛殘棗入泥人不掃西風落盡烏亦歸晉客齒

黃終懊惱

真上人因送毛令傷足復訪

陶令歸時遠公送石苔秋雨步遲遠凌霄花
在古松上也笑向人人不知
聞道山中出入稀偶來溪上笑談微野雲
不管田袍薄寒逼瘦膚相伴歸

潘歙州怪予遂行與黃君同路黃先游浙

矣依韻酬寄

未識潘岳貌已知潘岳名去年改藩屏暫此解佩
纓一見意已合談笑僕屢更豈唯文學富况亦論

事精溪邊昔欲罷屑屑秋雨零于今又聞蟬重起
悲涼情作詩遠見招值我將西行壁畫彼矯翼鳥革
然顧侶鳴蒼山不可陟空入江上舫黃君雖云約
向泛明日自訪柳惲汀寒儒所向多不成或西或
東車馬驚高樓登望酸目晴欲觀弄濤仍膾鯨新
安太守空相迎舉手謝君江水清

潘歙州寄紙三百番石硯一枚

求叔新詩笑原父不將澄心紙寄予澄心紙出新
安郡臘月敲冰滑有餘潘侯不獨能致紙羅紋細
硯鑄龍尾墨花磨碧涵鼠鬚玉方舞盤蛇與虺其
紙如彼硯如此窮儒有之應瞰鬼

八月七日始見白髭一莖

昔見白髭驚今見白髭喜人將拔去之我獨不然
耳拔之既更生留之何所耻白日儻日拔日拔詎
能已黑壯不爲貴白衰不爲鄙道德保於中任從
髭髮齒

送僧了素游廬山

平生愛廬山夢寢不可去江上饒買船偶來看已
餒釋子言南游徘徊瞻瀑布月飛金鬘斗光展千
尺素嫦娥呼織女機行勿復措必虞山鬼笑皎絜

無纖汙爾若見遠公贈之爲坐具

宛陵先生文集卷第三十五

宛陵先生文集目錄卷第三十六

送方進士遊廬山 讀日者傳荅俞生

賢師持栢種至 再和潘歙州

下昭亭舟中 和寧國山六題

寄吳正仲 湯祕校遺筆

艤舟昭亭 和公擇察推

謝晏太祝遺茶具 留題開元平雲閣

送黃生 別張景嵩

別鍾京 江口遇劉都紉

送劉紉曹 寄開元寺明師假山

寄李獻甫

行路難

題姑蘇豹隱堂

雨還

哭笑鳥

山行冒雨至村家

鴉啄蛆

夜坐

八月十五夜有懷

題吏隱堂

詠嚴子陵

與潯陽舍弟別

八月見杜鵑復開

記歲

種胡麻

詠達觀禪師

穎公遺茗

送達觀歸隱靜堂

冬至感懷

冬至得三友書

擬水西東峯亭九詠和達觀還山見寄

九華陳生寄松筆古柳

放鵲聞西山虎

凍禽登乾明碧鮮亭

隱靜遺枇杷夢中

紅梅寄文鑒大士

海棠送餘干李少府

目錄終

宛陵先生文集卷第三十六

送方進士遊廬山

長風沙浪屋許大羅刹石齒水下排歷此二險過
湓浦始見瀑布懸蒼崖繫舟上山入松徑三日踏
穿新蠟鞋路盤深谷出嶺望後山日照前山霧偶
逢風雨恐衣濕側倚石脇人相乖兩收不覺在高
處却見童僕提携借水聲不絕鳥聲好藥草香氣
侵人懷老僧避俗去足跣野客就澗開門闔樹崑
隱映見寺剎層層杳杳躋雲階塢田將穫鳥雀橫
秋果正熟猴猿齧東林淡壑應似舊唯此足以待

爾儕子心洒落撒然往我方塵垢難磨揩

讀日者傳荅俞生

宋忠為大夫賈誼為博士同與休沐下訪卜長安
市吾不如二人讀書無舉跬借曰當乘肥乘肥非
我指唯思泉石間坐卧松風美

隱靜山懷賢師自持栢栽二十本種於會

慶堂

新作齋堂祠畫像又興高閣秘天蹤今朝還藉君
移栢昨日已因鵝種松近以羣鵝換松植於路傍

九月六日登舟再和潘歙州紙硯

文房四寶出二郡邇來賞愛君與予予傳澄心
紙樣君使製之精意餘自茲重詠南堂紙將今世
人知首尾又得水底碧玉腴溪匠畏持如抱虺拜
貺雙珍不可辭年衰只怕歛歛鬼

九月十一日下昭亭舟中

平生山野性坐卧愛流水適從昭亭來興自明河
起小舟浮輕槎身入星辰裏飲牛誰家即照鬢誰
家子隔岸心相望翻然洲鵲喜灘頭磷磷石欲贈
畏指毀留取自支機成都無卜士

和張簿寧國山門六題

山門

按碑本執轍作二執雙時作雙壁第六句作田外峯巒迴抱考陳甲尊當從碑本

青山中穴為大門下通軌轍高莫論飛雲出納不計限雙峙平削無刀痕入門復見田園美田外峯巒迴抱尊棲靈畜怪不可詰夔魑往往來守閭

紫雲巖

高崑日照雲常起吹作蘭花透紋綺橫為步障看未收山雨一來風滿耳

夕陽巖

日脚射空金縷直下映壁間梭未織
又風明朝望此重雲黑
老先知雨

朝陽洞

洞門雖向扶桑開洞深不放陽鳥入古來道士今莫逢石壁乳流苔正濕

漣漪洞

流泉泱泱出洞底自有細浪非風吹山花逐水到山下漏泄人間春未知

碧雲洞

誰將萬古倚雲劍刺破蒼石天窻開下貯泓淵不可極有時月漏清光來

將離宣城寄吳正仲

吳均詩語多奇揭苦倩鴛鴦謝明月昭亭川上此
禽閑為寄吳郎我西發西歸千里浮輕舟夜觀蟾
光逆水流水流東海月西海各去雖殊意常在月
偏皎皎隨人行水亦汙汙非浪改酒盆龍杓閑到
吟梅花重葉將誰采

湯珙秘校遺沉水管筆一枝

沉香細榦天通中東毫為呼諸葛翁又從海上厭
持握乞與阮籍書途窮物珍豈宜與子有更後應
合歸王公虛堂淨几塵不到硯傍置架珊瑚紅乃
知用遇自有處君今莫歎居高蓬

艤舟昭亭送都官暫歸錢唐

前枉大梁城詩賦嘉入幙茲對昭亭山將行還有
作別離此與彼終始情不薄我為解羈馬君乃高
飛鶴塵蹄未能息健翅懷棲泊尋篋望吳田一傍
華亭郭況多舟頂雛坐看翔寥廓

依韻公擇察推

君來何所聞君去何所見自古慕虛名往往輕既
面竊常恃賦稟平直如勁箭是以五十年長甘守
貧賤相逢嗟未幾遽遠劇飛電今雖行已晚多謝
勤相唁

晏成績太祝遺雙井茶五品茶具四枚近
詩六十篇因以為謝

始於歐陽永叔席乃識雙井絕品茶次逢江東許
子春又出鷹爪與露牙鷹爪斷之中有光碾成雪
色浮乳花晏公風流丞相族以此五色論等差遠
走犀兵至蓬巷青蕩出篋封題加紋柘冰菟作精
具靈味一啜驅昏邪神還氣主讀高詠六十五篇
金出沙已後鍛鍊出至寶終老不變傳幽遐自惟
平昔所得者何異瓦礫空盈車滌心洗腑強為茗
愈苦愈拙徒興嗟

留題開元寺仙人平雲閣

背市面山色平目觀白雲漁舟溪上歌游客欄邊
聞俯簷翠栢瘦蔓籬秋實普偶來心意靜塵慮如
掃空

送黃生

我本東西南北人窮途不復淚露巾亦知車馬有
行色為見長沮與問津

別張景嵩

我雖識君晚君能知我心我心昭亭水見底無尺
尋照之不為隱測之不為深魚鰕既混混藻荇亦

卷三十六 五
侵侵終當至滄海浴日開黃金君當下灘去石浪
激寒音猶能洗君目病醫雲銷岑

別鍾京

我憐鍾氏子冒雨為求文暫以經茲邁與之書所
聞野鷗窺筆硯舟子采蒿芹況有新炊飯藜漿可
送君

江口遇劉紉曹赴鄂州寄張大卿

我同陶淵明遠憶顏光祿得錢留酒家醉卧江蕪
綠故人已貴身獨賤籬根枯死桂花菊孤鴻飛去
鸚鵡洲寄聲高樓謝黃鵠使君本是洛陽人嘗怜

酌酌銅駝曲休將玉笛城上吹武昌老人聽不足
已知清音通九霄定應悔說蘄州竹

送劉紉曹

溪邊前日君辭我江上今朝我送君自去蘆洲寄
消息故人猶在武昌軍

寄題開元寺明上人院假山

石是青蒼石山非杳藹山諸峯生鏡裏小嶺傍池
間雨不因雲出門疑為客閑何須費蠟屐暫到此
中閑

寄李獻甫

何言自我去眼前一似空城中豈無人過目猶飛
蟲又馱塵事多枳棘生曾中安知秋江水淨碧如
磨銅尚恨有世累不及垂釣翁望望當速來止琴
視孤鴻

行路難

途路無不通行貧足如縛輕裘誰家子百金負六
博蜀道不為難太行不為惡平地之一錢寸步隣
溝壑

題姑蘇豹隱堂

青山崔嵬藏古基文豹不見空斷碑華堂重構猶

隱霧地今易主還好竒欲邀明月一去飲常娥將
悔出海遲谿邊少年意氣在來往只借白鹿騎自
稱山人具肴酒酒酣請我留此辭謫仙墳近何可
問當日無詠亦所疑

雨還

雨濛濛兮欲暮路險絕兮深泥嗟予僕兮甚餒畏
子馬兮顛蹄関已度兮心緩家將至兮涉溪喜膝
前兮童稚餉燈下兮女妻

哭笑鳥

日月轉入地星辰蔽重雲夜色晦若漆怪禽巢未

焚其音哭且笑哀樂詎能分方哭且笑時曾莫有
以羣哭為何所悲笑為何所聞了不預人事吉凶
誰復云

山行冒雨至村家

雨急芹泥滑禽鳴苦竹秋野香生草木雲潤上衣
裘入石纔通馬穿林忽隱牛山家多淺井下照碧
峯頭

八月九日晨興如廁有鴉啄蛆

飛鳥先日出誰知彼雌雄豈無腐鼠食來啄穢
廁蟲飽腹上高樹跋紫噪西風吉凶非子聞臭惡在

爾躬物靈必自繫可以推始終

夜坐

夜久方慮寂空堂燈燭明落葉有暫響暗蟲無停
聲力學不為己甘貧且徇名聊為詠懷篇還想阮
步兵

八月十五夜有懷

天為水蒼玉月拖潭面冰萬里絕瑕玷百文已澄
凝山河了然在星斗光莫增借問九州內豈無陰
雲興紆懷去年秋是夜客廣陵太守歐陽公預邀
三四朋乃值連連雨共飲陳華燈既醉公有詠屬

和予未能強賦石屏物固慙無所稱今來宛溪上
聊以故歲徵晶明正若此霽霽且何曾美景信難
并康樂語足憑

題吏隱堂

新堂生虛明未悟追隱吏無乃隱非時唯應喧可
避移花莫傷根種竹不改翠床中置素琴亦見陶
潛意

詠嚴子陵

不顧萬乘主不屈千戶侯手澄百金魚身被一羊
裘借問此何耳心遠忘九州青山東寒灘澱浪

素鷗以之為朋親安慕乘華輶老氏輕璧馬莊生
惡犧牛終為蘊石玉夙古輝巖陬

與潯陽舍弟別

昭亭潭上水下與九江通去客解輕軻落潮乘順
風迴頭迷遠樹沒背見飛鴻寂寞還蓬巷桓彝宅
近東

九月十八日山中見杜鵑花復開

山中泉壑暖幽木寒更華春鳥各噤口游子未還
家云誰未及還對此重興嗟何必因啼血顏色勝
曙霞

記歲

買臣四十八猶苦行負薪我免以樵給貧居年與均道上不謳歌妻亦無恙嗔三者固異彼異同雙朱輪

種胡麻

悲哀易衰老鬢忽見二毛苟生亦何樂慈母年且高勉力向藥物曲畦聊自薈胡麻養氣血種以督兒曹傍杖廷扶踈脩筴繁索韜霜前未堅好霜後可炮熬誠非騰雲術顧此實以勞

達觀禪師曇穎住隱靜蘭若或言自此獼

猴散走不來穎嘗哂曰吾知是山枇杷為多始至也未實故其去將實也必群集後果然穎惡乎俗之好異恐傳以為人惑欲予詠而播之

隱靜山中寺獼猴徃徃過窠師歸以去盧橘熟還多禪地寧求恡居人切莫訛未嘗嫌此物任挂古松柯

穎公遺碧霄峯茗

到山春已晚何更有新茶峯頂應多雨天寒始發牙採時林猶靜蒸處石泉嘉持作衣囊祕分來五

柳家

送達觀禪師歸隱靜寺古律二首

初逢洛陽陌再見南徐州
所歷幾何時倏去二十
秋今復振霜屨還山遠
莫留我詠阮公詩物靡必
沉浮誰云西海魚夜飛
東海頭世人嗟識昧豈是
滯林丘
栗林霜下熟歸摘禦窮冬
帶月涉溪水過山聞寺
鐘未嫌雲袖濕已喜野人
逢且莫似孟渡滄波無
去蹤

冬至感懷

銜泣想慈顏感物哀不平
自古九泉死靡隨新陽
生真命異草木彼將羨勾
萌人實嗣其世一衰復
一榮

冬至日得師厚宋次道中道書

水國欲為雪野冰將合
河人同一陽至淚向八
行多朋意今猶在年華
悵似過看看四十九應
笑此蹉跎

擬水西寺東峯亭九詠

垂澗藤

澗深連石壁石上生長
藤孤猿來自熟緣飲下
復

登賴無樵人跡且免束薪蒸

嶺上雲

我來東峯下遠見西嶺頭白雲忽已合向此偶遲
留人誰問何有自可忘殷憂

林中翠

萬木總柔翠況復新晴時日色照欲動山氣歛還
遲望之如何攬舉袂隨風吹

棲煙鳥

班班遠林鳥極目波煙中各識時早暮不忘巢西
東推物得真意吾將效陶公

古壁苔

陰壁流暗泉古苔長自好不改春與秋何如路傍
草空山正幽藹淨綠無人掃

幽徑石

緣溪去欲遠磊砢忽礙行旁臨側身險下忽寒流
聲幽客慣來往同此猿鳥情

寒溪草

青青色堪染欲辨不知名根陰託乳魚水底抽新
萌康樂池上詠獨與春夢成

陰崖竹

背嶺斷崖下老竹生扶踈孤根石上引勁節松不
如莫言霜雪多終見綠有餘

臨軒桂

山楹無惡木但有綠桂叢幽芳尚未歇飛鳥銜殘
紅不見離騷人憔悴吟秋風

依韻和達觀禪師還山後見寄

雲歸在高嶺人見是無心矯矯將棲鳥遙遙傍故
林南方雖有暖臘月易成陰惟恐多風雪幽期未
可尋

九華隱士居陳生寄松管筆

春松抽瘦梗削束費長毫

初含潤龍鱗不自

韜嘗為大夫後欲寫伯夷真

汝曹

古柳

岸側古大柳誰種臨長江中自出蠹蝟百歲成枯
腔忽值漲流沒槎牙綴旌幢皮膚藏蛟龍半夜雷
砰訇飛霆痕尚白如斬馬陵龐倏爾巨電至萬弩
聲裂缸又為狂風摧所殘惟朽椿卧榦越大鼎絕
續不可扛就藝以照漁駭鱗一何厖始知網罟細
未足禁突撞隆準以脫去城下徒焚降我從洲上

泊昏曉睨船窓始終覩變毀欲賦挑殘缸吾交評
韓詩險韻古莫雙安得共詠此但嗟各他邦

放鵲 并序

烏鵲啄豆于槽園夫患之以機得鵲其群噪如救
為下上突掠甚急知不可脫聲蓋哀予閔之命釋
縛放去因為之辭

鵲為禽之靈智兮胡蹈機而不知為庸皂以困束
兮固性命之將危喜遠人之至止兮始屢驗以如
期向何預覺兮此何自昏豈專心以謀食兮昧目
前之禍根苟所履必慮患兮莫若去人遠以圖存

屑餘秣以致死兮誠咎爾而無耻維群鳴之苦傷
兮使吾心之測爾予測孔孟兮爾自解則艱皂聽
予言兮釋爾而還撫爾况爾兮爾無甚頑後誰恤
爾兮拓彈方彎

聞西山虎

猛虎畏白日孤客莫夜行彼以不暴衆此何獨忘
生飢必見人食不食且無名麋鹿能遠遁安得逢
怒獐由人不由常役役官有程

凍禽

高樹繞吾廬薄暮煙氣重將棲立傍巢已振窺

落翫有來同枿枝亦各不偃擁颼颼陰風寒夜雪
豈無恐

登乾明院碧鮮亭

餘喘不苟盡順信來飯僧東嶺有上方脩竹蔽觚
稜下有蒼石案旁挂孤蔓藤繫累向塵世更住殊
未能

隱靜遺枇杷

五月枇杷實青青味尚酸獼猴定掠亂欲待熟應
難

正月十日五更夢中

今年花似去年新去年人比今年老我勸厚地一
盃酒收拾白日莫苦早

江梅

家住寒溪曲梅先雜燠春學粧如小女聚笑發丹
脣野杏堪同舍山櫻莫與隣休吹江上笛留伴庾
園人

寄文鑒大士

讀書夜寂冷無火捲卷遂成搖膝吟始憶高僧將
偈去安知古寺託雲深寒堂正睡遠鍾發野鳥亂
鳴殘月沉明日呼兒整籃輦欲煩重過小溪陰

海棠

江鶯入朱閣海棠繁錦條醉生燕玉頰瘦聚楚宮
腰曾不分香去尤宜着意描誰能共吹笛樹下想

前朝

嘗於宋宣獻宅見圖書明皇於海棠
花下卧吹觱篥寧王吹笛黃幙綽拍

送餘干李少府

作尉古來清況於干越城舟中雨新足溪上水初
生蒼蘋出還沒素鷗飛且鳴休將五色棒欲取洛

陽名

宛陵先生文集卷第三十六



